



In mercui ai 05 de Má él gnü sughé la 1° partida de Semifianle de Copa Provinzia. La partida é gnüda sugada fora de cíasa, cuntra la squadra da Oberland sön le campo a St. Valentin auf der Haide (Vinschgau). Gnü sughé el dales 20:00. La lungia trascferta á porté sü früc. La Val é sta bugn da davagné 2 a 1.

Ince sce le iade é stè dër lunch, pian ia dales 14:00 da Pidro dmez é stá bugn La Val da porté trèi punc a cíasa. Le travert é zigü stè da porte en resultat positif a cíasa, deache sce an pert la prüma partida tl triangolare, spo él dër ri da passé inant dopo. Na man sön la finala á bel metü La Val cun chësta bela vitoria. In mercui ai 11 de Má él spo l'atra partida cuntra Wiesen. L'atra partida de semifinale tra Plaus y Cortina Raiffeisen é jüda fora 4 a 1 por Plaus. Chëstes döes squadre ne é zigü nia al nivel de Oberland y Wiesen, sce an ciara la tlassifica de campionat eres trames ai ultimi posc de tlassifica. Porchël chiche röia te finala á na gran oportunité dala davagné ince, mo tl calcio ne san mai.

La partida a Oberland:

Bel da mëter man savô La Val che Oberland foss gnüs cun en gran druch, sogan ince in cíasa. Mo ince le iade lunch di sogadusc da La Val ne ti á nia tut la concentrasiun ai sogadusc. Ti prüms menüc á La Val porvè da destudé jö le jüch di avversars, cun de bi anticipi y na gran grinta. Püch dedô ti garetel bel le gol a La Val. Dô en bel cross te area, resta la pala tla mischia sön le cinch. Rubatscher Florian fesc en gran tiro che röia bel ados a en defensur, sön la ribatüda ti garetel spo a Florian na mesa "sforbiciata", che röia bel dlungia le palo ite, en bel gol che porta in vantaje La Val.

La Val á na gran grinta, suradüt it a mez, ualche Romeo y Freddy é bugn da contrasté i trêi sogadusc de Oberland, cun so capitano che é al centro de só jüch. La gran grinta di sogadusc da La Val ti descdrüsc le jüch, ma cun lanci luné proi da ester prigorusc. Mo i defensurs da La Val é scialdi bugn da anticipé. Al 25° ti garetel spo le 2 a 0 a La Val. Na bela poniziun dl capitano Alex Alton rōia tl cinch, Ploner Werner é le plü scvelto y rōia sōn la pala, le bel tiro rōia sōn le palo lunch. En bel gol che porta La Val sōn le 2 a 0. Dedô é Oberland che fesc en bel tiro al volo, la pala rōia por furtūna sōn la traversa. Dan che le prüm tēmp se rōia é ciamó Romeo che éss la poscibilité da porte La Val sōn le 3 a 0. Alex Elenbaumer é bun da mēt jō na bela pala, al apogēia zoruch, Romeo rōia ala conclujiun. Le bel tiro al volo rōia de pūch sura traversa fora. Le prüm tēmp se stlūsc jō sōn le 2 a 0.

Tl secundo tēmp é Oberland che aumentēia le druch. La Val ne é nia plü bugn da gni fora dla difesa cun la pala basa. I sogadusc vëgn tres plü nervösc y mēt man da fá falli che ess podü gní evitá. Mo la pala dl 3 a 0 á impó ciamó en iad La Val. Sōn na bela rimesa de Franzi é bun Sottara Freddy da dribbeln en aversar dl area, le tiro rōia spo pūch dlungia le palo cūrt ia. La Val se ciafa tres deplü falli decuntra. Sōn en ennejimo fallo vëgnel spo le gol de Oberland 20 menüć dan la fin. Al rōia ite te area na puniziunn, Ploner Werner vëgn metü jō te area cun en scnēdl tl spiné, mo le arbiter ne á nia udü. Sōn chēl él spo l'atacant che ciafa le pal dan i pisc y tira te porta. Cun chēsc gol é La Val che rōia tres deplü in dificulté, deache Oberland ciafa indô grinta. Ti ultimi menüć é La Val che süga scialdi sōn contropiede, deplü beles aziuns ne é nia plü bugn i atacanc da concretizé ala fin. 10 menüć dala fin él ciamó Frenes Michael che tira na gran poniziun da luné. La pala rōia sōn la traversa, jō sōn la riga y fora indô. Sciode, chēsta poniziun ess zigü stlüt jō la partida denant.

La parita se stlūsc jō sōn le 2 a 1 por La Val, che á mustré che ai se mirita la finala.

La formaziun titolara dla partida:



Al 60° Gennaro Sestini sostituisce Sergio Bazzani